



Peter Olsen  
Inatsisartunut ilaasortaq, Inuit Ataqatigiit

**Kalaallit filmiliornermik tv-liornermillu namminersorlutik ingerlataqartut pisinnaatitaaffiisa illersorneqarnerulernissaat anguniarlugu, Danmarks Radiomik isumaqatigiissutaasup qimerlooqqinneqarnissaa, nalilersuiffigeqqinneqarnissaalu siunertaralugu Kulturimut Naalakkersuisoq DR-mut saaffigiinnissuteqassalluni pilersaaruteqarnersoq pillugu § 37 naapertorlugu apeqquummut – 176/2019-mut akissut.**

08-05-2019  
Suliap nr. 2019 - 10560  
Allakkat nr. 10618281

Postboks 1029  
3900 Nuuk  
Oqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Peter Olsen,

Inatsisartut suleriaasiat naapertorlugu apeqquutinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1: Kalaallit filmiliornermik tv-liornermillu namminersorlutik ingerlataqartut pisinnaatitaaffiisa illersorneqarnerulernissaat anguniarlugu, Danmarks Radiomik isumaqatigiissutaasup qimerlooqqinneqarnissaa, nalilersuiffigeqqinneqarnissaalu siunertaralugu Kulturimut Naalakkersuisoq DR-mut saaffigiinnissuteqassalluni pilersaaruteqarnerpa?**

**Akissut:** Aallaqqaasiutigalugu erseqqissarneqassaaq, Kalaallit Nunaata Danmarkillu akornanni tusagassiuit imarisaasa avinneqartarnissaat pillugit Kalaallit Nunaanni Namminersorlutik Oqartussat Danmarkillu Radioa isumaqatigiissuteqarnikuunngimmata. Taamaattumik apeqqut paatsoornikkut apeqqutigineqarpassippoq.


Kisianni oqaatigineqarsinnaavoq, siusinnerusukkat DR-i KNR-ilu isumaqatigiissuteqarnikuummata, kingornatigut DR KNR-imut programinik atugassaqartitsisarnikuuvoq, taamatut DR-imut aallakaatitassianik atugassaqartitsisoqartarnikuuvoq. 2008-mit isumaqatigiissut kingulleq 2010-imi naavoq nutarterneqanngilarlu. Aammattaaq nutaarsiassanik paarlaasseqatigiittarneq pillugu KNR aamma DR aaqqissussaamik isumaqatigiissuteqarnikuupput, kingornatigut P1-imit nutaarsiassanik minutsini tallimani ullormut KNR nassiussisinnaanngorpoq DR-illu DR2-mi Sapaatip akunnerata naanerani Qanoroq aallakaatissinnaanngorlugu.

Peqatigitillugu erseqqissarneqassaaq, DR-imut nioqqutissiamik kalaallisut nioqqutissiortup tunippagu, nioqqutissiamik DR-ip atuinissaa pillugu apeqquummi, matumani ilanngullugu nunami sumiiffia, aamma pisinermi isumaqatigiissutini allanik pisoqartillugu pisinermi isumaqatigiissummi aaqqiiffiqineqassaaq. DR-ip nioqqutissiortuni namminersortuni, matumani ilanngullugit Kalaallit Nunaannit nioqqutissiortunut

isumaqatigiissutaanut atatillugu Namminersorlutik Oqartussat akuliunnissamut pisinnaatitaangillat.

Kiisalu oqaatigineqarsinnaavoq Kalaallit Nunaanni Namminersorlutik Oqartussat Verdens TV-mik isumaqatigiissuteqarnikummata, kingornatigut DVBT-nettikut Kalaallit Nunaanni kanaalit pingasut aallakaatinneqarsinnaalerput. Kisianni isumaqatigiissut manna DR-imik isumaqatigiissutigineqanngilaq aamma tusagassiuutit imarisaasa avinneqarnissaat pillugu aamma apeqquteqaat pineqanngilaq, pissutigalugu aaqqissuunneqarnissamut periarfissaqaratik aallakaatitat tamakkerlutik taamaallaat ingerlateqqinneqarsinnaasut isumaqatigiissutip taamaallaat pisinnaatimmagu. Saniatigut isumaqatigiissut Verdens TV-imik isumaqatigiissutaavoq.

Inussiarnersumik inuulluaqqusillunga  
Med venlig hilsen



Ane Lone Bagger